

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第四四冊

地方志人物傳記資料叢刊

國

家

圖

書

館

編

北京圖書館出版社

第四十四冊目錄

(光緒)南昌縣志一

人物志(一)	四
漢	
吳	一三
晉	一六
宋	二五
齊梁	二八
唐	三一
南唐	三四
宋	三七

元	六九
列傳	七七
人物志(二)	九〇
明	
列傳	一九八
人物志(三)	二〇五
列傳	二九八
人物志(四)	三〇五
列傳	三八〇
人物志(五)	三九〇
清	
列傳	四九一

南昌縣志卷三十

人物志一

目錄

漢 章文

陳乞夫

李淑

何湯

沈友

羅邵

徐穉

子亂

譙重

曾孫禮

喻猛

羊茂

張載

宗度

施陽

吳

聶友

徐宗

楊迪

胡休

熊睦

徐整

晉

熊遠

從弟縉
子鳴鵠

熊甫

羅企生

弟遵生

鄧潛之

子胤之
孫琬

宋

胡藩

齊梁

胡諧之

王綜

唐

臧嘉猷

楊相如

徐玉

陶公達

熊執易

羅淼

王定保

南唐

陳喬

鄧及

盧絳

陳省躬

宋

何蒙

袁抗 子陟

陳恕 子執中

黃介

吳居厚

羅從彥

李誼 胡元衡

喻樗 萬貞

李安國 子大性

京鏜

劉亨叔

蔡薦

龔日升

譔賢甫

宗必應

宗必經

元

文殊海涯

胡明

劉文質

彭國才

劉紳

辜中

伯顏子中

契列篋

黃冲

游宏道

列傳

章文

陳乞夫

李淑

何湯

沈友

羅邵

章文秦漢間居縣東郭高帝五年潁陰侯灌嬰渡江定吳豫
章五十二縣文進計於嬰以南昌當諸道之衝請築城建郡

嬰然之使文董其役勞來經畫民咸德之及卒爲立祠於城北江潯豫章本春秋吳楚邊鄙秦屬九江南部都尉寂無稱焉自漢建郡以來民物蕃阜名於東南設險啓土文之力也陳夫乞秦二世元年劉項兵起夫乞萃徒蜀水之北築壇絕巘祭黃帝蚩尤寨於山之陽沛公入關夫乞率其徒及之扛里從下咸陽以都尉擊籍將軍定燕高帝六年論功封高胡侯邑千戶孝文五年薨諡忠侯子程嗣薨無後國除里人立高胡侯廟祀之

李淑西漢末爲更始軍師將軍時所授官爵者皆羣小賈覽或有膳夫庖人淑上疏諫曰方今賊始誅王化未行百官有司宜慎其任夫三公上應台宿九卿下括河海故天工人其

代之陞下定業雖用下江平林之勢斯蓋臨時濟用不可施之既安宜釐改制度更延英俊因才授爵以匡王國今公卿大位莫非戎陳尙書顯宦皆出傭伍資亭長賊捕之用而當輔佐綱維之任唯名與器聖人所重今以所重加非其人望其毗益萬分興化致理譬猶緣木求魚升山採珠海內望此有以窺度漢祚臣非有增疾以求進也但爲陛下惜此舉措敗財傷錦所宜至慮惟割既往謬妄之失思隆周文濟濟之美更始怒繫淑詔獄

何湯字仲弓居郡城南郊少事沛國桓榮榮門徒常四百餘人湯爲高弟以才明知名榮年四十無子湯乃去榮妻爲更娶生三子榮甚重之後拜郎中守開陽侯上微行夜還湯閉

門不納更從中東門入明旦召詣大官賜食諸門候皆奪俸
建武十六年夏旱公卿皆暴露請雨洛陽令著車蓋出門湯
將衛士鉤令車收案有詔免令官拜湯虎賁中郎將湯嘗以
尙書授太子世祖從容問湯本師爲誰湯以桓榮對卽召拜
五更封關內侯官少傅榮每歎曰此雖稽古之功亦何仲弓
力也

沈友年十一太守華歆出行風俗見而異之因呼曰沈郎可
登車語乎友逡巡却曰君子講好會宴以禮今仁義陵遲聖
道漸壞先生銜命將裨補先王之教整齊風俗而輕脫威儀
猶負薪救火毋乃更崇其熾乎歆慚曰自桓靈以來雖多英
彥未有幼童若此者仕爲丹陽太守

羅邵字仲進建安初爲侍中李權之難帝欲幸宏農避之車
駕渡河邵與太僕楊彪宗正劉艾侍中种輯間關扈從白刃
流矢交前不顧及還洛封列侯

述曰觀淑諫更始疏實具開國謨略使遇世祖豈居寇鄧後
乎華歆名輩以孫策英武猶加敬禮沈友方勝衣之歲正言
折角稱爲國中顏子可也何湯執行所學可謂不負其師者
矣夫乞嶠起山澤識天命所歸卒享茅土之薦章文伏處閭
里一語建策血食桑梓卓哉

徐穉 子胤

徐穉字孺子北潞人少習嚴氏春秋京氏易歐陽尙書兼綜
風角星官算曆河圖七緯之學家貧常自耕稼非其力不食

恭儉義讓所居服其德屢辟公府不起時陳蕃爲豫章太守以禮請署功曹穉旣謁而退蕃在郡不接賓客惟穉來特設一榻去則懸之後舉有道家拜太原太守皆不就延熹二年蕃爲尙書令與僕射胡廣疏薦穉與姜肱袁閎韋著李曇宜擢登三事協亮天工帝問孰爲先後蕃對曰閎生出公族聞道漸訓著長於三輔禮義之俗所謂不扶自直不鏤自雕至於穉者爰自江南卑薄之域而角立傑出宜當爲先詔以安車元纁備禮徵之並不至穉嘗爲太尉黃瓊所辟不就及瓊卒歸葬穉乃負糧徒步到江夏赴之設炙雞絮酒薄祭哭畢而去不告姓名時會食者四方名士郭林宗等數十人聞之疑其穉也乃選能言語生茅容輕騎追之及於塗容爲設飲

共言稼穡之事臨訣去謂容曰爲我謝郭林宗大樹將顛非
一繩所維何爲栖栖不遑寧處及林宗有母憂穉往弔之置
生芻一束於廬前而去衆怪不知其故林宗曰此必南州高
士徐孺子也詩不云乎生芻一束其人如玉吾無德以堪之
靈帝初欲蒲輪聘穉會卒時年七十二子胤字季登張九齡碑作季
祭篤行孝弟亦隱居不仕躬耕稼穡勸則誦經貧窶困乏執
志彌固太守華歆禮請相見固病不詣漢末寇賊縱橫皆敬
胤禮行轉相約敕不犯其閭建安中卒

述曰東漢士爭尙氣節抗懷澄清桓靈之間君顧厨及呼號
砥礪蒙難搆戮終於無濟獨穉遠引江表隱不晦迹賢不見
忌聞其風者百世興起焉天下之生一治一亂嗚乎世微斯

人其誰與歸

譙重

曾孫禮

喻猛

羊茂

張載

宗度

施陽

譙重字文疊上譙店人和帝時除薛令以德行聞父卒廬墓致白兔馴擾再舉有道以高第除郡博士京輔都尉右內史衛尉大司農詔加奉車都尉荊州刺史政績甚著從曾孫禮字秀登吳大帝時舉德行拜尙書倉部郎中

喻猛字驕孫和帝時任蒼梧太守以清白爲理郡人頌之曰於惟蒼梧交趾之域禹貢厥人島夷皮服大漢惟宗迪以仁德出自中臺鎮於外國威風光遠吏人從則鳩集以禮南人

入服簡於帝廷功化畢植

羊茂字季實

一作叔實

爲郡功曹布被不覆軀布衣不周身郡將

察其廉遺之布被衣袴皆不受後爲東郡太守冬坐白羊皮
夏處單板榻常食乾飯出界買鹽豉妻子不厯官舍

張載字仲宗任廣陵太守舉郡人吳奉爲孝廉及解官歸奉
齎金爲禮載閉門不受奉以囊盛金投載園中而去載覺追
之不及乃資金至廣陵還之

宗度字文叔爲定陵令食常茹蔬以土杯盛麥飯邑人杜伯
夷高尙不仕數往見與議論輒竟日去所遺者棗栗而已高
宏爲瑯琊相嘗以桑杯盛醬與宗度皆以清節著聞

施陽字季儒以德行聞爲舒令之官道經江夏遇盜被劫奪

盜已去陽視車席下尙有錢五千追以予盜盜愧其義悉以所掠還之陽謂其已汙拒不肯受付亭長而去

述曰重禮與陽俱以德行舉聞季儒以刼奪之餘追以予盜疑過矯非人情然卒生其愧心化誘之術豈止一端哉漢末多廉吏無救於民困宦官貴戚擅權於朝怙侈黷貨綱紀陵斃欲無亂亡不可得矣

聶友

徐宗

楊迪

胡休

熊睦

徐整

聶友字文悌少爲縣吏虞翻徙交州縣令使友送之翻與語而奇焉爲書與豫章太守謝斐以爲功曹使至都諸葛恪友

之以處顧子嘿子真其間由是知名屬吳大帝欲圖珠崖恪薦友爲珠崖太守詔加將軍與校尉陸凱同往旣克捷卽留治之友慮師久致疫簡精銳自衛餘先遣還帝大悅徵守丹陽時恪築東興隄敗魏將胡遵等進封陽都侯遂有輕敵之心以十二月戰克明年春復用出軍諸大臣同辭諫恪恪不聽友以書諫恪曰大行皇帝本有過東關之計計未施行今公輔贊大業成先帝之志寇遠自送將士憑賴威德出身用命一旦有非常之功豈非宗廟神靈社稷之福耶宜且按兵養銳觀釁而動今乘此勢欲復大出天時未可而苟任盛意私心以爲不安恪不從遂出軍圍新城攻守連月城不拔士卒罷病魏救至恪始引軍退還友知其將敗書與滕胤曰當